

## Eisteddfod Gadeiriol Cwmystwyth 2017

Yn dilyn wythnos o law trwm trwy lwc trodd y tywydd yn fwy ffafriol i Eisteddfod Gadeiriol Cwmystwyth a gynhaliwyd ar ddydd Sadwrn, 16<sup>eb</sup> Medi. Y beirniaid eleni oedd Geraint a Sue Hughes gŵr a gwraig o Beniel, Caerfyrddin, Sue yn beirniadu'r canu a Geraint y llefaru. Rocet Arwel Jones, Aberystwyth oedd yn beirniadu'r ochr lenyddol. Ef enillodd y gadair yng Nghwmystwyth ddwy flynedd yn ôl a llynedd bu'n cyfarch y bard buddugol. Cyn brif-athrawes ysgol Llanafan, Dilys Rees-Jones, Tregaron fu'n beirniadu'r cystadlaethau cyfyngedig. Lona Phillips o Abermagwr oedd yn cyfeilio. Yn arwain yn ddeheuig roedd Elen Lewis, Llanfihangel-y-Creuddyn a'r Parch Ingrid Rose, Pont-rhyd-y-groes. Yn anffodus methodd Aled Evans, Trisant fod yn bresennol oherwydd anhwylder. Anfonwn ein dymuniadau gorau ato.

Llywydd y dydd oedd Brenda Evans, Llangadog, merch a fagwyd yng Nghwmystwyth ac sydd yn para i gadw mewn cysylltiad agos a'r Cwm. Cyflwynwyd Brenda gan Edgan Morgan, un arall a'i wreiddiau'n ddwfn ar Rhos Peiran. Cafwyd ychydig o hanes eisteddfodau ei phlentyndod gan Brenda yn dwyn atgofion am y cwpanau a'r medalau yn cael eu harddangos yn ffenest y siop am gyfnod cyn yr eisteddfod. Diolch iddi am ei rhoddodd hael i'r eisteddfod.

Roedd seremoni'r cadeirio yn nwylo medrus Elen Lewis. Testun cerdd y gadair oedd "Lliw/Lliwiau" ac ymgeisiodd tri ar ddeg amdani. Y bardd buddugol oedd Dr Islwyn Edwards, Aberystwyth ond o Ffair Rhos yn wreiddiol. Cyflwynwyd y gadair iddo gan Mair Jenkins, Ffair Rhos. Richie, ei gŵr oedd wedi gwneud y gadair dderw hardd gan ddilyn patrwm cadeiriau eisteddfodol y gorffennol ond yn anffodus oherwydd anhwylder ni fedru fynychu'r eisteddfod. Roedd Islwyn yn falch o'i lwyddiant gan fod y gadair wedi ei gwneud gan un â chysylltiad teuluol ac yn dod o'i fro enedigol. Derbyniodd hefyd £100 gan deulu Pentre er cof am Gwyn. Dafydd Morris-Jones, Ysbyty Cynfyn seiniodd y corn gwlad a chyfarchwyd Islwyn gan Selwyn Jones o'r Bont. Cyrchwyd y bardd gan Lynne Davies a Gladys Morgan a chanwyd Cân y Cadeirio gan Guto Lewis o Lanon, bachgen ifanc sydd wedi ennill amryw o wobrau yn eisteddfod y Cwm.

Bu gwragedd Caffi'r Cwm yn y festri yn brysur drwy'r amser a chafodd y gynulleidfa gyfle i gael seibiant a mwynhau clonc gyda ffrindiau. Bu'r dynion hwythau'n brysur hefyd yn stiwardio.

Roedd naws gartrefol i'r eisteddfod a chafwyd cystadlu o safon uchel drwy gydol y dydd.

Canlyniadau

Canu:

Unawd Cyfyngedig Cyfnod Sylfaen 1<sup>af</sup> Magi Jones, Syr John Rhys 2<sup>il</sup> Lili Macy, Mynach 3<sup>ydd</sup> Malen Davies, Mynach. Cyfyngedig Bl.3-6 1<sup>af</sup> Swyn Davies, Syr John Rhys 2<sup>il</sup> Gwenan Jones, Syr John Rhys 3<sup>ydd</sup> Peni Macy, Mynach.

Unawd agored Cyfnod Sylfaen 1<sup>af</sup> Meia Evans, Llanfihangel-y-Creuddyn 2<sup>il</sup> Magi Jones, Ponterwyd

Unawd agored Bl.3 a 4 1<sup>af</sup> Gwenan Jones, Ponterwyd, 2<sup>il</sup> Ifan Williams, Tregaron

Unawd agored Bl 5 a 6 1<sup>af</sup> Elin Williams, Tregaron 2<sup>il</sup> Ioan Mabbutt, Aberystwyth

Canu Emyr dan 12 oed 1<sup>af</sup> Ioan Mabbutt, Aberystwyth 2<sup>il</sup> Elin Williams, Tregaron

Unawd ar unrhyw offeryn cerdd oed cynradd 1<sup>af</sup> Gwenan Jones, Ponterwyd 2<sup>il</sup> Elenor Nicholas, Aberystwyth

Unawd dan 16 oed 1<sup>af</sup> Tomos Ifan Meredith, Llanbed 2<sup>il</sup> Siwan Aur George, Lledrod

Unawd dan 21<sup>ain</sup> 1<sup>af</sup> Guto Lewis, Llanon 2<sup>il</sup> Siwan Phillips, Abermagwr

Unawd ar unrhyw offeryn cerdd – oed uwchradd 1<sup>af</sup> Soffia Nicholas, Aberystwyth 2<sup>il</sup> Steffan Nicholas, Aberystwyth

Canu Emyr dan 60 oed 1<sup>af</sup> Efan Williams, Lledrod 2<sup>il</sup> Heledd Bessant, Pennal

Alaw Werin Agored 1<sup>af</sup> Harri Huws, Dinas Mawddwy 2<sup>il</sup> Heledd Bessant, Pennal

Canu Emyr dros 60 oed 1<sup>af</sup> Tecwyn Jones, Machynlleth 2<sup>il</sup> Hywel Annwyl, Llanbryn Mair

Cân Bop/ Cân allan o Sioe Gerdd 1<sup>af</sup> Heledd Bessant, Pennal 2<sup>il</sup> Lyndsey Cameron, Tregaron

Unawd Gymraeg 1<sup>af</sup> John Davies, Llandybie 2<sup>il</sup> Tecwyn Jones, Machynlleth

Her Unawd 1<sup>af</sup> Crwys Evans, Pont-rhyd-y-groes 2<sup>il</sup> Efan Williams, Lledrod

Parti Canu 1<sup>af</sup> Merched Bro'r Mwyn 2<sup>il</sup> Ysgol Syr John Rhys

Sgen Ti Dalent dan 16 oed 1<sup>af</sup> Soffia ac Elenor Nicholas, Aberystwyth 2<sup>il</sup> Elin, Ifan a Mari Williams, Tregaron

Sgen Ti Dalent dros 16 oed 1<sup>af</sup> Meibion y Mynydd 2<sup>il</sup> Merched Bro'r Mwyn

Côr 1<sup>af</sup> Merched Bro'r Mwyn (£150 rhoddedig gan y teulu er cof am Ronnie Nanty) 2<sup>il</sup> Meibion y Mynydd

Llefaru

Cyfnod Sylfaen Cyfyngedig 1<sup>af</sup> Ifan Hedd Lewis, Mynach 2<sup>il</sup> Lili Macy, Mynach 3<sup>ydd</sup> Ceri Macy, Mynach ac Alaw Davies, Syr John Rhys

Blwyddyn 3-6 Cyfyngedig 1<sup>af</sup> Charlie Hughes, Syr John Rhys 2<sup>il</sup> Swyn Davies, Syr John Rhys 3<sup>ydd</sup> Peni Macy, Mynach

Cyfnod Sylfaen Agored 1<sup>af</sup> Meia Evans, Llanfihangel-y-Creuddyn 2<sup>il</sup> Lili Macy, Pontarfynach

Agored Bl 3 a 4 1<sup>af</sup> Mari Williams, Tregaron 2<sup>il</sup> Ifan Williams, Tregaron

Agored Bl 5 a 6 1<sup>af</sup> Ioan Mabbutt, Aberystwyth 2<sup>il</sup> Elin Williams, Tregaron

Dan 16 oed 1<sup>af</sup> Siwan Aur George, Lledrod 2<sup>il</sup> Tomos Ifan Meredith, Llanbed

Dan 21 oed 1<sup>af</sup> Nest Jenkins, Lledrod

Dysgwyr 1<sup>af</sup> Rachel Seabrook, Pontarfynach 2<sup>il</sup> Sandy Neville, Cwmystwyth

Adrodd Digri 1<sup>af</sup> Meleri Morgan, Bwlchyllan, 2<sup>il</sup> Mair Jones, Tregaron

Darllen darn o'r Ysgrhythur 1<sup>af</sup> Nest Jenkins, Lledrod 2<sup>il</sup> Meleri Morgan, Bwlchyllan

Parti Llefaru Dysgwyr 1<sup>af</sup> Parti Brython

Parti Llefaru Agored 1<sup>af</sup> Merched y Wawr Mynach a'r Cylch

Brawddeg 1<sup>af</sup> Mary B Morgan, Llanrhystud 2<sup>il</sup> Iwan Thomas, Ciliau Aeron

Limrig 1<sup>af</sup> Alun Jenkins, Pontarfynach 2<sup>il</sup> Elenor Nicholas, Aberystwyth

Cystadlaethau lleol

Arlunio Cyfnod Sylfaen 1<sup>af</sup> Sara Erin Jenkins, Mynach 2<sup>il</sup> Tomos Hopkins, Mynach

Arlunio Bl. 3 a 4 1<sup>af</sup> Hedd James-Morris, Syr John Rhys 2<sup>il</sup> Gwenan Jones, Syr John Rhys

Arlunio Bl. 5 a 6 1<sup>af</sup> Cynan James-Morris, Syr John Rhys 2<sup>il</sup> Isabella Braddick, Mynach

Llun Camera 1<sup>af</sup> Sara Erin Jenkins, Pontarfynach 2<sup>il</sup> Aled Evans, Trisant a Beca James, Pontarfynach

Llawysgrifen 1<sup>af</sup> ac 2<sup>il</sup> Jane Hopkins, Pontarfynach

Dymuna'r pwyllgor longyfarch yr holl gystadleuwyr a diolch o galon i bawb a gyfrannodd tuag at lwyddiant yr Eisteddfod.